

**CONVENIO Nº 2677 A SUSCRIBIR ENTRE O ORGANISMO AUTÓNOMO
"INSTITUTO MUNICIPAL DOS DEPORTES" E A "FEDERACIÓN GALEGA
DE TAEKWONDO" PARA O DESENVOLVEMENTO DUN PROGRAMA DE
TECNIFICACIÓN DO TAEKWONDO.**

No Concello de Vigo, o día 03 de decembro de 2014

COMPARECEN

DUNHA PARTE: D. Abel Caballero Álvarez, Alcalde do Concello de Vigo.

DOUTRA PARTE: Doutra parte D. Juan Carlos López Eiriz, DNI 34921040W, Secretario da Federación Galega de taekwondo tal como acredita documentalmente, e con domicilio social no Complexo Deportivo de Elviña-Pza. Agustín Díaz, 3, en A Coruña.

Diante da secretaria delegada do organismo autónomo "Instituto Municipal dos Deportes de Vigo", Dña. Concepción Campos Acuña. .

Ámbalas dúas partes recoñecen a súa capacidade e competencia para formalizar o presente convenio entre as entidades ás que representan e


EXPOÑEN:

Que o Concello de Vigo, a través do Instituto Municipal dos Deportes de Vigo, é o organismo xestor da infraestrutura deportiva da cidade e que de forma xeral desenvolve programas de promoción deportiva en tódolos ámbitos.

Que ambas entidades están interesadas en colaborar conxuntamente na coordinación de esforzos de cara a reunir os recursos necesarios para o correcto desenvolvemento de programas de colaboración en materia de promoción e dinamización da práctica deportiva.

Que de forma xenérica o obxecto principal do presente convenio engloba unha serie de actuacións en relación á dinamización dun programa de Tecnificación do Taekwondo nas instalacións deportivas Municipais dependentes do Instituto Municipal dos Deportes de Vigo.

Que todos estes aspectos nos levan á necesidade de conxugar o presente convenio de colaboración coa Federación Galega de Taekwondo, establecemento un marco de relación, que permita complementar actuación de ambas as dúas entidades, unificando esforzos na promoción deportiva na cidade de Vigo, polo que dito obxecto regulado polo seguinte convenio, atopase incluído no establecido no artigo 4.d) do RD 3/2011, polo que se aproba o TRLCSP.



Polo tanto, e para levar a cabo as accións necesarias que fagan realidade os fins propostos, ámbalas dúas entidades suscriben o presente convenio de colaboración definindo as actuacións necesarias baixo os principios e garantías de equilibrio, capacidade e solvencia, que de forma específica especificábase nas seguintes


CLAUSULAS:

Primeira: A finalidade deste convenio fundamentase de forma principal na colaboración conxunta para a dinamización dun programa de tecnificación do Taekwondo nas instalacións deportivas municipais dependentes do Instituto Municipal dos Deportes de Vigo. A vixencia do presente convenio será dende a súa sinatura ata o 30 de xuño de 2015. Para a continuidade do obxecto deste convenio será necesaria a tramitación dun novo convenio, previa solicitude da entidade.

Segunda: A lexislación aplicable, para este convenio, ó atoparse excluído do ámbito obxectivo de aplicación do RD 3/2011, polo que se aproba o TRLCSP (art. 4.d), queda referida ás propias cláusulas do convenio, ás restantes normas de dereito administrativo vinculadas e, no seu defecto, ás normas de dereito privado.

Terceira: A Federación Galega de Taekwondo, dinamizará no Pavillón de Coia un programa de tecnificación do Taekwondo, a través dos seguintes compromisos:

1. A Federación Galega de Taekwondo, dinamizará un programa de Tecnificación do Taekwondo na instalación Municipal do Pavillón de Coia.
2. A Federación Galega de Taekwondo, durante os horarios establecidos polo IMD, para o desenvolvemento deste programa de tecnificación, responsabilizarase e garantirá mediante persoal propio as tarefas básicas do control e vixilancia das actividades. Dito persoal non terá ningunha relación laboral contractual co Concello de Vigo, e deberá atoparse baixo o réxime laboral adecuado a súa responsabilidade. Para ese efecto, a Federación Galega de Taekwondo, contará con todos os medios materiais e organizativos suficientes, garantindo a través da súa facultade de dirección e das súas potestades organizativas o correcto desenvolvemento do obxecto deste convenio.
3. A Federación Galega de Taekwondo, será a responsable da execución do programas deportivo, para o cal deberá ter unha póliza de responsabilidade civil que cubra os diversos ámbitos de actuación e responsabilidades derivadas das obrigas deste convenio.



Ademais deberá de cumprir con todos os requisitos de seguridade obrigatorios por normas de aplicación sectoriais da actividade que se desenvolva.

4. A Federación Galega de Taekwondo, para garantir o uso equitativo e equilibrado da instalación, atenderá ás normas xerais de uso de instalacións deportivas municipais do IMD.
5. En toda a información e publicidade das actividades deportivas vinculadas a este convenio figurarán os logos do Concello de Vigo, da Concellería de Deportes e do Instituto Municipal dos Deportes como entidades colaboradoras. Así mesmo todos os medios de promoción e difusión deberán empregar o galego.

Cuarta: O Instituto Municipal dos Deportes comprométese a:

1. Colaborar coa Entidade que asina o presente convenio para poder programar as diversas actividades deportivas vinculadas con este convenio nos horarios necesarios durante o período de vixencia do presente convenio.
2. O Instituto Municipal dos Deportes facilitará o uso das instalacións deportivas según o apartado anterior. A reserva do uso destas instalacións será realizado sen custe para a Federación Galega de Taekwondo, en función o descrito no apartado letra c) do artigo nº 6, do capítulo V) da ordenanza fiscal reguladora dos prezos públicos pola utilización das instalacións deportivas municipais, pertencentes o Instituto Municipal dos deportes.

Quinta: Por outro lado a sinatura deste convenio, non impide que a Federación Galega de Taekwondo, solicite o uso doutras instalacións deportivas municipais, neste caso sempre rexerese baixo a normativa xeral de uso de instalacións deportivas municipais.

Sexta: O IMD a través do seu persoal cualificado a tal efecto, resérvase a facultade de controlar o bo uso das instalacións, así como de emitir informes sobre o debido cumprimento das obrigas contraídas en materia de mantemento e coidado da instalación.

Sétima: Os asinantes do presente convenio comprométese a confeccionar unha memoria anual en relación o desenvolvemento das actividades incluídas neste convenio, a cal deberá contemplar:

Por parte da Federación:

- Descrición das actividades realizadas.
- Nº de participantes.
- Nº de entidades.
- Valoración da actividade



- Outros puntos que sexan considerados de interese.

Por parte do IMD:

- N° de horas destinadas o programa de colaboración coa Federación Galega de Taekwondo.
- Calculo dos importes derivados da exención, no ámbito da aplicación do descrito na letra c) do artigo nº 6, do capítulo V) da ordenanza fiscal reguladora dos prezos públicos pola utilización das instalacións deportivas municipais, pertencentes o Instituto Municipal dos deportes.
- Desta memoria anual deberase dar conta a Xunta Reitora do IMD.

Oitava: A Federación Galega de Taekwondo, non poderá percibir cantidade algunha pola utilización das instalacións obxecto deste convenio, por parte de terceiros, nin poderá autorizar o seu uso unilateralmente sen autorización previa do I.M.D.

Novena: Para o seguimento do convenio constituirase unha comisión de seguimento que estará formada por dúas persoas nomeadas por cada unha das partes.

Décima: O incumprimento de calquera das cláusulas deste convenio poder ser denunciada polas partes, quedando facultado o Presidente da Xunta Rectora do IMD para resolver as posibles controversias derivadas da execución e interpretación do convenio.

En proba da súa conformidade, as partes intervintes, así o conveñen asinando por triplicado, no lugar e data indicada no presente convenio.

O Alcalde do Concello de Vigo

A Presidenta da F.G. Taekwondo

D. Abel Caballero Álvarez,

D. Juan Carlos López Eiriz

A Secretaria da Xunta Rectora

Dña. Concepción Campos Acuña

FEDERACIÓN GALEGA
DE TAEKWONDO

- 1 DIC. 2014

REXISTRO ENTRADA:
REXISTRO SAÍDA:

JUAN CARLOS EIRIZ LOPEZ, presidente da Federación Galega de Taekwondo

AUTORIZA

a **FRANCISCO ISRAEL TILVE GARCIA**, vicepresidente desta entidade e con DNI 36032922H a acudir á sinatura do convenio con Excmo. Concello de Vigo, en representación de esta Federación, e que se asinará o vindeiro mércores día 3 de decembro ás 11.00 horas casa consistorial.

A Coruña a un de decembro de 2014.



Asdo. Juan Carlos Eiriz López

